



**Ebazpena, 2021eko martxoaren 22koa, Ikastetxe eta Plangintzako zuzendariarena, Arte Plastikoetako eta Diseinuko irakaskuntza profesionaletako goi-mailako heziketa-zikloetara sartzeko probak arautzen dituen eta ziklo horietara sartzeko 2021/22 ikasturterako probetarako deialdia egiten duena.**

Hezkuntzari buruzko maiatzaren 3ko 2/2006 Lege Organikoaren 52.2. artikuluan xedatzen denez, Arte Plastikoetako eta Diseinuko goi-mailako zikloetan sartzeko beharrezkoa da Batxiler-titulua edo baliokidetzat jotzen den beste titulu bat izatea eta, gainera, berariazko sarbide-proba bat egitea, egiaztatzeko ikasleak badituela kasuan kasuko ikasketak probetxuz egiteko beharrezko gaitasunak. Dena den, nahiz eta titulu horiek ez izan, baldin eta adinarekin loturiko baldintza batzuk betetzen badituzte, ikasleek aukera dute ikasketa horiek egiteko, betiere, sarbide-proba gainditzen badute.

Bestalde, maiatzaren 4ko 596/2007 Errege Dekretuak, Arte Plastikoetako eta Diseinuko irakaskuntzen antolamendu orokorra ezartzen duenak, V. kapituluan, horrelako ikasketak egiteko eskakizunez gain, honakoak ere ezartzen ditu: berariazko proba egiteko salbuespenak, eskakizun akademikoak betetzen ez dituzten ikasleentzako probak, proben arauketa eta baliozkotasuna, eta tokiak erreserbatzeko sistema.

Azkenik, 2/2006 Lege Organikoko 52.5. artikulua eta 596/2007 Errege Dekretuko 15.4. eta 17.1. artikuluek Hezkuntza Sailari egokitzen diote horrelako probak arautzeko eskumena. Horregatik, zera

**EBAZTEN DUT:**

**Lehenengoa. Xedea eta aplikazio-eremua.**

Arte Plastikoetako eta Diseinuko irakaskuntza profesionaletako goi-mailako heziketa-zikloetan sartzeko prozesua arautzea da ebazpen honen xedea, baita Euskal Autonomia Erkidegoan heziketa-ziklo horietan sartzeko 2021 urteko proba egiteko deialdia egitea ere.

**Bigarrena. Arte Plastikoetako eta Diseinuko irakaskuntza profesionaletako goi-mailako heziketa-zikloetan sartzeko eskakizunak.**

Arte Plastikoetako eta Diseinuko goi-mailako zikloetan sartzeko, beharrezkoa da Batxiler-titulua edo baliokidetzat jotzen den titulu bat izatea.



Era berean, eskakizun akademiko horiek betetzeaz gain, beharrezkoa da berariazko proba bat gainditzea, ikasleak kasuan kasuko ikasketak probetxuz egiteko beharrezko gaitasun eta ezaupide artistikoak badituela egiaztatzeko.

**Hirugarrena. Ikasleek berariazko proba egiteko bete beharreko eskakizun akademikoak.**

Honako eskakizun hauetako bat betetzen duten ikasleek egin dezakete Arte Plastikoetako eta Diseinuko irakaskuntza profesionaletako goi-mailako heziketa-zikloetan sartzeko berariazko sarbide-proba:

1. Batxiler-titulua edo titulu baliokide bat izatea.
2. Arte Plastikoetako eta Diseinuko goi-mailako teknikari-titulua izatea.
3. Arte Aplikatueta eta Lanbide Artistikoetako graduatu-titulua izatea, 1963ko ikasketa-planaren edo plan esperimentalaren arabera.
4. Lanbide Heziketako teknikari espezialistaren titulua edo Lanbide Heziketako goi-mailako teknikari-titulua izatea.
5. Unibertsitate-titulu bat edo baliokide bat izatea.
6. Ondorio akademikoetarako aurretik aipatutako ikasketen baliokidetzat jotako beste ikasketa batzuk gainditu izana.
7. Unibertsitatean sartzeko 25 urtetik gorakoentzako sarbide-proba gainditu izana.
8. Arte Plastikoetako eta Diseinuko irakaskuntza profesionaletan sartzeko ezarritako baldintza akademikoak ordezkatzeko dituen heldutasun-proba gainditu izana.
9. Lanbide Heziketako goi-mailako heziketa-zikloetara sartzeko probaren atal komuna gainditu izana.

**Laugarrena. Berariazko proba egiteko salbuespenak.**

1. Honako titulueta bat dutenek ez dute berariazko proba egin beharrik izango Arte Plastikoetako eta Diseinuko irakaskuntzetako goi-mailako zikloetan sartzeko:

- a) Egin nahi diren irakaskuntzekin zerikusia duen lanbide-arlo bateko Arte Plastiko eta Diseinuko goi-mailako teknikari-titulua, edo baliokidetzat jaotako titulu bat.
- b) Arte-modalitateko Batxiler-titulua edo Arte Batxilergo esperimentaleko titulua.
- c) Arte Plastikoetako eta Diseinuko goi-mailako titulua, edozein espezialitatetan, edo titulu horien baliokidetzat jotako tituluak.
- d) Kultura Ondasunen Zaintza eta Zaharberrikuntzako goi-mailako titulua, edozein espezialitatetan.



e) Arteko gradua, Arte Ederretako lizentzia edo baliokide bat.

f) Arkitekturako gradua, Arkitekturako lizentzia edo baliokide bat.

g) Industria Diseinuko Ingeniaritzako gradua, Industria Diseinuko Ingeniaritza Teknikoko titulua edo baliokide bat.

2. Hezkuntza Sailak salbuetsi egin ditzake honako bi baldintzak betetzen dituzten ikasleak: batetik, maiatzaren 3ko 2/2006 Lege Organikoak, Hezkuntzari buruzkoak, 52.1. eta 52.2. artikuluetan ezartzen dituen eskakizun akademikoak betetzea eta, bestetik, gutxienez urtebeteko lan-esperientzia egiaztatzea kasuan kasuko goi-mailako heziketa-zikloko gaitasun profesionalekin zuzeneko lotura duen lan batean. Horretarako, ikasleek honako dokumentuak aurkeztuko dituzte gutxienez:

a) Ikasleak zer enpresatan lortu duen lan-esperientzia, haren ziurtagiri bat, datu hauek berariaz ematen dituena: kontratuaren iraupena, egindako lana eta dena delako lana egiten emandako denbora.

b) Beren kontura jardun duten langileek, zergapekoen erroldan alta eman izanaren ziurtagiria

c) Gizarte Segurantzaren Diruzaintza Orokorraren eta/edo ikaslearen lan-mutualitatearen egiaztatagiri bat, enpresa eta kontratazio-aldia adierazten dituena.

Salbuespena berariazko proban izena emateko eskabidean bertan eskatuko da, eta eskatutako salbuespena justifikatzeko agiriak aurkeztuko dira eskabidearekin batera.

**Bosgarrena. Sarbide-proba egiteko izena ematea: prezio publikoak, tokia eta epeak.**

1. Proba egin behar duten ikasleek bakarrik emango dute izena Arte Plastikoetako eta Diseinuko goi-mailako heziketa-zikloetan sartzeko proban, baita lan-esperientzia dela-eta salbuespena eskatzen dutenek ere.

2. Sarbide-probarako izen-ematea on- line egingo da Ikasgunea atarian.

3. Izena emateko epea:

Ohiko deialdia: 2021eko maiatzaren 3 etik 21era eguerdiko 13:00ak arte.

4. Proba egiteko eguna eta tokia:

- Eguna: 2021eko maiatzaren 29an, 14:30etan.
- Tokia:

EASD I D arte AGDE ikastetxea  
Betoñuko atea 23 (Betoñuko komentu zaharra)  
Vitoria- Gasteiz



5. Hezkuntza, Hizkuntza Politika eta Kulturako sailburuaren 2016ko maiatzaren 16ko Aginduak, Hezkuntza, Hizkuntza Politika eta Kultura Sailak ematen dituen hezkuntza-zerbitzuen prezio publikoak finkatzen dituen Agindua hirugarrenez aldatzen duenak xedatzen duenaren arabera, deialdian parte hartzen duten izangaiak 28,02 € ordaindu beharko dituzte, prezio publikoari dagozkionak, sarbide-proba gisa.

6. Proba euskaraz edo gazteleraz egin ahalko da. Ikasleek izena emateko eskabidean adieraziko dute zer hizkuntzatan egin nahi duten.

7. Proba egiteko esparrura sartzen den ikasleak bere nortasuna egiaztatzen duen agiri bat aurkeztu beharko du (NAN, pasaporte, bizileku-baimena...), eta proba egiteko beharrezkoak diren materialak eraman beharko ditu.

8. Bere webgunean, proba egiteko egutegia eta probaren behin-behineko eta behin betiko emaitzak argitaratuko ditu EASD I D arte AGDE ikastetxeak, baita probari buruzko beste edozein datu esanguratsu ere.

9. Datu pertsonalak babesteari buruzko Lege Organikoarekin bat, eskabidea betetzeak berekin dakar interesdunak baimena ematea bertan adierazitako datuak Eusko Jaurlaritzako Hezkuntza Saileko fitxategi informatizatuetan gordetzeko. Lege berarekin bat, datu horiek eskuratzeko, zuzentzeko eta ezerezteko eta haien aurka egiteko eskubideak erabil ditzake interesdunak, Hezkuntza Saileko Ikastetxe eta Plangintzako zuzendaritzaren aurrean.

#### **Seigarrena. – Onarpen-prozesuan izena ematea**

Arte Plastikoetako eta Diseinuko irakaskuntza profesionaletako goi-mailako heziketa-zikloetarako berariazko sarbide-proban izena ematea eta EAeko ikastetxeetan plaza eskatzea bi prozesu desberdin eta independente dira.

Berariazko sarbide-probarako izen-ematearekin batera, izangaiak onarpena (plaza) eskatu beharko du bere interesekoa den ikastetxean, Ikasgunea komunikazio-atarian. Izangai bat, titulazioa dela-eta, berariazko sarbide-proba egitetik salbuetsita badago, onarpen-prozesuan izena emateko eskabidea formalizatu beharko du, eta bertan adierazi beharko du zer ikasketa egin nahi dituen eta zein ikastetxetan, lehentasun-hurrenkeraren arabera.

#### **Zazpigarrena. Hezkuntza-premia bereziak dituzten ikasleak.**

Hezkuntza-premia bereziak dituzten ikasleek denbora eta bitarteko materialak egokitzeko eska dezakete, gainerako ikasleen aukera berak izateko. Eskabideak dakarren tartea ez bada nahikoa beharrezko egokitzapena adierazteko, orri atxiki batean azalduko dute.

#### **Zortzigarrena. Sarbide-probaren egitura.**

Arte Plastikoetako eta Diseinuko irakaskuntza profesionaletako goi-mailako heziketa-zikloetara sartzeko berariazko proba lau fasetan banatutako ariketa bat izango da.



### 1. fasea: Gai bat proposatzea (denbora: 15 min)

Gai bat emango da, eta horren inguruan prestatutako gutxienez bi lan grafiko eta gehienez sei aurkeztu beharko dira azken arte gisa.

Gai edo testu iradokitzaile bat emango da: hitz bat, esaldi bat, nanokontakizun bat edo testu luzexego bat.

Nahi den teknika aukeratu ahal izango da eta ondorengo puntuan deskribatzen da.

### 2. fasea: Lan-garaia (denbora: 2 ordu)

Denbora honetan, bozetoak eta/edo argazki-rallyko argazkiak egingo dira.

Teknika aukera librekoa izango da, betiere kategorian hauen barruan:

- Eskuzko teknika: marrazkia teknika lehor edo hezeekin eta/edo collage-a.
- Teknika digitala: irudi eta/edo collage digitala.
- Argazki-rallya: inguruan argazkiak egitea 2 orduz

Izangaiek material hau eraman beharko dute, erabiliko duten teknikaren arabera:

- Eskuzko teknika: teknika lehor eta hezeetarako materialak, guraizeak, barra-kola eta kuterra.
- Teknika digitala: marrazteko gailuak eta softwarea.
- Argazki-rallya: argazkiak ateratzen dituen gailu bat (argazki-kamera, mugikorra, tableta...), ordenagailu eramangarri bat gero argazkiak ikusteko eta/edo editatzeko eta behar diren konexio-kable guztiak.

Emango den material bakarra:

- Papera.
- Collage-a egiteko material grafikoa.

### 3. fasea: Entregatu beharreko materiala aukeratzea eta akabera

Azken proposamenak aukeratu eta landuko dira; gutxienez bat, irudi konplexu eta landuen kasuan, adibidez, eta, gehienez sei, argazki-serie bat aurkezten den kasuan, esate baterako (halako kasuetan, gutxienez bi entregatu beharko dira).

Euskarri hauetan entregatu beharko dira:

- Eskuzko teknikak: emandako formatuko paperean.
- Teknika digitalak: irudi digitalak PDFn; argazki-rally-a JPEGn.
- Bozetoak ere entregatuko dira, dokumentazio gehigarri gisa.

Ebaluazio-irizpideak:

- Narratzeko gaitasuna – storytelling-a (3 puntu).
- Sormena eta autonomia (3 puntu).
- Egikera eta akabera (puntu bat).

### 4. fasea: Deskribapen- eta justifikazio-testua

Proposamenaren aukeraketa, garapena eta justifikazioa deskribatuko eta argudiatuko da 10 lerrotan.

Ebaluazio-irizpideak:

- Maila narratibo-deskribatzailea (puntu bat).



- Argudiatzeko gaitasuna (puntu bat).
- Laburtzeko gaitasuna (puntu bat).

3. eta 4. faseetarako, guztira 2 orduko denbora egongo da. Fase horiek derrigor gauzatu beharko dira. Izangairen batek bi fase horietakoren bat egiten ez badu, bere proba ez da zuzenduko.

### **Bederatzigarrena. Sarbide-probaren ebaluazioa.**

1. Ikastetxe eta Plangintzako Zuzendaritzako arduradunak izendatuko du epaimahaia, eta epaimahaiburuak eta lau epaimahaikideak osatuko dute. Lau epaimahaikideak irakasleak izango dira, eta bi Bigarren Hezkuntzako irakasleen kidegokoak izan ahalko dira.

2. Epaimahaikide izateko, proba osatzen duten ariketekin loturiko espezialitateetan gaitasun profesionala duten irakasleak proposatu ahalko ditu Ikastetxe eta Plangintzako Zuzendaritzak.

3. Epaimahaiak laguntza eskatu ahalko die egoki deritzen aholkulariei.

4. Honakoak izango dira epaimahaiaren egitekoak:

a) Probak prestatzeko eta egiteko prozesua antolatzea. Probak bakarrak izango dira Euskal Autonomia Erkidego osoan.

b) Lan-esperientzia dela-eta aurkezten diren salbuespen-eskaerak aztertzea eta, aurkezten diren dokumentuetan oinarrituz, Hezkuntza Berritzatzeko Zuzendaritzari salbuespen bakoitzari buruzko iritzia ematea, hark ebatz dezan. Hezkuntza Berritzatzeko Zuzendaritzak ebazpenaren berri emango dio epaimahaiari.

c) Ebaluazio-saioak antolatzea eta aktak egitea.

d) Aurkezten diren lamazioak ebaztea.

e) Sarbide-probak behar bezala egiten direla eta indarrean dagoen legedia betetzen dela zaintzea.

5. Honakoak ebaluatuko ditu epaimahaiak: ideiak zehazteko eta egokiro azaltzeko gaitasuna, irudikatzeko eta komunikatzeko gaitasuna, eta sen artistikoa eta sentsibilitatea.

### **Hamargarrena. Sarbide-probetako emaitzen argitalpena eta erreklamazioak.**

1. Behin-behineko kalifikazioak EASD I D arte AGDE ikastetxearen webgunean argitaratuko dira 2021eko ekainaren 9an, goizeko 10:00etan.

2. Ikasleak behin-behineko kalifikazioak ateratzen diren egunetik ekainaren 11ko goizeko 10:00ak arte egin ahal izango du proban ateratako kalifikazioaren



erreklamazioa. Erreklamazio hori epaimahaiburuari egingo zaio, EASD I D arte AGDE ikastetxeko idazkaritzak emango duen eredu erabiliz edo [info@idarte.eus](mailto:info@idarte.eus) helbide elektronikora mezu bat bidaliz, eta behin betiko kalifikazioak onartzearekin batera ebatziko da.

3. Behin-betiko kalifikazioak EASD I D arte AGDE ikastetxearen webgunean argitaratuko dira 2021eko ekainaren 11an, 13:00etan.

4. Behin betiko kalifikazioaren kontra, gorako errekurtoa jarri ahal izango zaio Ikastetxe eta Plangintzako Zuzendaritzako arduradunari, kalifikazio hori argitaratu eta hilabeteko epean.

### **Hamaikagarrena. Sarbide-probaren balioa.**

1. Sarbide-proba gainditzeak Estatu osoan izango du balioa, eta, indarrean dagoen legediarekin bat, kasuan kasuko heziketa-zikloan matrikulatzeko eskubidea emango du, betiere, ikastetxeetan plazarik badago.

2. Arte Plastikoetako eta Diseinuko heziketa-zikloetan sartzeko proba gainditzeak Arte Plastikoetako eta Diseinuko irakaskuntzak egiteko eskubidea baino ez du ematen, eta ez da inolako titulu akademikoren baliokide, ezta Derrigorrezko Bigarren Hezkuntzako arlo bat edo Batxilergoko irakasgai bat gainditzearen baliokide ere.

### **Hamabigarrena. Probaren ziurtagiria.**

Proba gainditzen duten ikasleek ziurtagiria eskatu ahaliko dute Vitoria-Gasteizko EASD I D arte AGDE ikastetxean.

**Hamahirugarrena. Arte Plastikoetako eta Diseinuko irakaskuntza profesionaletako goi-mailako heziketa-zikloak ematen dituzten ikastetxeetan sartzeko eskaera.**

1. Ohiko deialdiaren barruan izena emateko epe bat ezarriko dute Arte Plastikoetako eta Diseinuko irakaskuntza profesionaletako goi-mailako heziketa-zikloak ematen dituzten ikastetxeek, eta beste bat ezohiko deialdiaren barruan izena emateko.

2. Zer ikastetxetan egin nahi dituzten ikasleek ikasketak, han aurkeztuko dute eskabidea.

3. Eskabidean, berariaz, ikasleek adieraziko dute ea zuzenean sartzeko diren, salbuespen bidez, edo berariazko sarbide-proba egin behar duten. Sarbide-proba egiteko salbuespena dauden ikasleek salbuespena justifikatzeko dokumentuak aurkeztuko dituzte, eta ikastetxe bakoitzeko idazkaritzak gordeko dituzten dokumentuok, Hezkuntza Ikuskaritzak egoki deritzon aztertze eta ebaluatze.



## **Hamalagarrena. Ikastetxe publikoetako plazen esleipena.**

1. Ohiko deialdiaren barruan Arte Plastikoetako eta Diseinuko goi-mailako heziketa-zikloetan izena emateko epea amaitutakoan, ikastetxe publikoek plaza libreak esleituko dituzte, erreserbatzeko diren plazen ehuneko hauek kontuan hartuta:

a) Proba egin behar ez dutela-eta zuzenean sartzen diren ikasleentzat plazen % 60 erreserbatuko dute.

b) Proba egin behar duten ikasleentzat plazen % 34 erreserbatuko dute.

c) Pertsona Desgaituen Eskubideei eta Gizarteratzeari buruzko Lege Orokorraren Testu Bategina onesten duen azaroaren 29ko 1/2013 Legegintzako Errege Dekretuan ezarritakoa betez, % 33ko edo gehiagoko desgaitasun-maila duten ikasleentzat plazen % 3 erreserbatuko dira, betiere, sartzeko ezarrita dauden eskakizunak betetzen badituzte. Horretarako, desgaitasuna duten ikasleek desgaitasun-mailaren kalifikazioa eta aitorpena adierazten dituen ziurtagiria aurkeztu beharko dute, organo eskudunak emana.

d) Uztailaren 13ko 971/2007 Errege Dekretuak, goi-mailako eta erremindu handiko kirolariei buruzkoak, 9.4. artikuluan xedatzen duenarekin bat, horrelako kirolariak direla egiaztatzen dutenentzat plazen %3 erreserbatuko dute, betiere, dagozkion eskakizun akademikoak betetzen badituzte eta berariazko proba gainditzen badute. Eskaera erreserbatutako plazen kopurua baino handiagoa bada, ikasleen lehentasun-ordena egiteko zerrenda bakarra egingo da, berariazko sarbide-probako kalifikazioa edo, salbuetsita dagoela-eta zuzenean sartzen bada, aurkeztu den tituluaren batezbesteko nota kontuan hartuz.

2.- c) eta d) ataletan zehazten diren erreserba-kupoetan bete gabeko plazak b) ataleko erreserba-kupora gehituko dira. Halaber, b) atalean zehazten den erreserba-kupoan bete gabeko plazak a) ataleko erreserba-kupora gehituko dira, eta alderantziz.

3. Ikasleen lehentasun-hurrenkera honako hau izango da sartzeko modalitate bakoitzeko:

a) Salbuetsita daudela-eta zuzenean sartzen diren ikasleak:

Ikasleak elkartu eta antolatu egingo dituzte ikastetxe publikoek, ebazpen honetako 4. artikuluko salbuespen moten arabera. Ikasleen kopurua plazena baino handiagoa bada, honako irizpideak hartuko dira kontuan lehentasun-hurrenkera finkatzeko:

1. Kasuan kasuko ikasketekin loturiko lanbide-arlo baten barruan Arte Plastikoetako eta Diseinuko goi-mailako teknikari-titulua edo Arte-modalitateko Batxiler-titulua edo Arte Batxilergo esperimentaleko titulua duten ikasleak. Alegatzen duten tituluaren batez besteko notaren arabera ordenatuko dira.





2. Arte Plastikoetako eta Diseinuko goi-mailako titulua edo Kultura Ondasunen Zaintza eta Zaharberrikuntzako goi-mailako titulua duten ikasleak. Alegatzen duten tituluaren batez besteko notaren arabera ordenatuko dira.

3. Urtebeteko lan-esperientzia edo Unibertsitateko gradu bat edo baliokidetzat jotzen den titulu bat duten ikasleak. Lehentasuna izango dute lan-esperientzia alegatzeagatik salbuetsita dauden ikasleak. Unibertsitate-titulua duten ikasleak, era berean, alegatutako tituluaren batez besteko notaren arabera ordenatuko dira.

b) Berariazko probaren bidez sartzen diren ikasleak

Berariazko sarbide-proban lortzen duten kalifikazioaren arabera ordenatuko dituzte ikastetxe publikoek.

4. Artikulu honetako 1. eta 2. puntuetan deskribatutako banaketa egin ondoren, oraindik ere plaza hutsak geratzen badira, lehentasun-hurrenkera honen arabera esleituko dira:

1. Berariazko proba Euskal Autonomia Erkidegoan egin duten eskatzaileek lehentasuna izango dute
2. Berariazko proba deialdiaren ikasturte berean beste autonomia-erkidego batean gainditu duten ikasleak.
3. Berariazko proba aurreko deialdiren batean beste autonomia-erkidego batean gainditu duten ikasleak.

#### **Hamabosgarrena.- Ezohiko deialdia.**

Arte Plastikoetako eta Diseinuko irakaskuntza profesionaletako goi-mailako heziketa-zikloak ematen dituzten ikastetxeren batean plaza hutsik balego, berariazko sarbide-probak egingo dira uztailean, eta proba horretarako ebazpen honetan finkatutako antolaketa, garapena, ebaluazioa, eta ikasleak onartzeko prozedura mantenduko dira.

#### **Hamaseigarrena.- Ezohiko deialdiaren egutegia.**

1. Izena emateko epea:

Ezohiko deialdia: 2021eko ekainaren 17tik ekainaren 25eko eguerdiko 13:00ak arte.

2. Izena emateko prozedura:

Sarbide-probarako izen-ematea on-line egingo da Ikasgunea atarian.

3. Agiriak nora eraman:

Agiriak telematikoki aurkeztuko dira



4. Ezohiko proba egiteko eguna.

2021eko uztailaren 1a, goizeko 9:00etan.

5. Proba egiteko tokia:

EASD I D arte AGDE ikastetxea  
Betoñuko atea 23 (Betoñuko komentu zaharra)  
Vitoria- Gasteiz

6.- Probaren emaitzak argitara ematea eta erreklamazioak egitea.

a) Behin-behineko kalifikazioak EASD I D arte AGDE ikastetxearen webgunean argitaratuko dira 2021eko uztailaren 6an, 10:00etan.

b). Ikasleak behin-behineko kalifikazioak ateratzen diren egunetik uztailaren 8ko goizeko 10:00ak arte egin ahal izango du proban ateratako kalifikazioaren erreklamazioa. Erreklamazio hori epaimahaiburuari egingo zaio, EASD I D arte AGDEko idazkaritzak emango duen eredia erabiliz edo [info@idarte.eus](mailto:info@idarte.eus) helbide elektronikora mezu bat bidaliz, eta behin betiko kalifikazioak onartzearekin batera ebatziko da.

c). Behin betiko kalifikazioak EASD I D arte AGDE ikastetxearen webgunean argitaratuko dira 2021eko uztailaren 8an, 13:00etan.

d) Behin betiko kalifikazioaren kontra, gorako errekurtsua jarri ahal izango zaio Ikastetxe eta Plangintzako Zuzendaritzako arduradunari, kalifikazio hori argitaratu eta hilabeteko epean.

**Hamazazpigarrena.- Probaren ziurtagiria.**

Proba gainditu duen ikasleak ziurtagiria emateko eskatu ahal izango du EASD I D arte AGDE ikastetxean.

**Hemezortzigarrena.** Ikastetxe eta Plangintzako Zuzendaritzak baimena du ebazpen honek xedatzen duena garatzeko beharrezko arauak emateko.

Vitoria-Gasteizen, 2021eko martxoaren 22an.

**IKASTETXE ETA PLANGINTZAKO ZUZENDARIA**

Eugenio Jiménez Ibáñez